

مالهاش أول ولا آخر .. وإنما أحنا رابطين نفسينا كده ليه
يا شيخ فكها .. يا شيخ حلها .. وهيه تتفك وهيه تنحل ..
وتبقى عال .. أديك أنت ضحكت .. أيه ضحكك ما تسألش
نفسك .. أضحك من غير سيب .. عرفت بقي الجواب ..

هو : على أيه ..

هي : على سؤال ..

هو : أى سؤال ..

هي : سؤالي الأولانى .. مش أنا سألتك إذا كنت تقدر
تسعدنى .. والجواب أنك طبعا تقدر .. السعادة زى النوم
إرادة .. فالذى يدخل فراشه .. وهو يريد النوم ، سينام
قطعا .. والذى يدخل سريره وهو راغب فى النوم لن ينام
وكذلك السعادة إذا أردتها فأنها تغطيك كاللحاف .. وإذا لم
تردها ، فأنها تهرب منك كالنوم .. وأحنا أردنا السعادة فغيرنا
موضوع الكلام .. وضحكت أنت . وضحكت أنا .. أهى دى
السعادة .. مفيش أبسط من كده .. الله .. أنت نمت ..

هو : ...

هي : دلوقت مش حا أزعل منك لو كنت نائم .. أو لو
كنت بتتظاهر بالنوم .. يكفى أنك ضحكت ..